



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Konferensia Imprensa

Dili, 20 Dezembru 2006

AUTOR BA KRIME HOMISSIDIU HASORU VÍTIMA ARMINDO MENEZES IHA MAUBISSE KASTIGU TINAN 8 IHA KADEIA

Iha loron 19 Juñu 2006, tuku 11.30 htl, Tribunal Distrital Dili, liu husi Juiz Kolektivu, hatuun sentensa tinan 8 iha kadeia ba arguidu ne'ebe provadu komete krime homissidiu hasoru vítima Armando Soares Pereira Menezes iha Maubisse. Fatin lós ne'e iha Suku Fatubesi, Aldeia Aikere.

Iha julgamentu ba lee desizaun tribunal ne'e, Juiza Prezidente deklara katak aksaun arguidu nian ne'e kontra artigu 338 (homissidiu) Kódigu Penal Indonésia ne'ebe oras ne'e sei aplika iha Timor Leste, no mós krime seluk (kontra moral) ne'ebe arguidu halo.

Julgamentu ba lee sentensa ne'e hotu tiha, arguidu liu husi ninia defensora, deklara katak nia la simu akordu husi juiz kolektivu iha nivel Tribunal Distrital ne'e tanba tuir arguidu no nia defensora, sentensa ne'e todan liu. Tanba ne'e, tuir artigu 300(1) Kódigu Prosesu Penal (KPP) konaba prazu atu hato'o aplikasaun ba rekursu, arguidu liu husi ninia defensora iha tempu loron 15 nia laran hodi hato'o apelu / rekursu ba Tribunal Rekursu.

Husi sesaun julgamentus ne'ebe halao ba kazu arguidu Armando nian ne'e, JSMP haree katak prosesu julgamentu ne'e tuir KPP ne'ebe oras ne'e aplika. Maske nune'e, arguidu iha direitu atu bele deklara katak lakohi simu akordu ou sentensa ne'ebe juiz kolektivu iha Tribunal Distrital hatuun ba nia ne'ebe regula tiha ona iha artigu 299 (1) no artigu 60(i) husi KPP. JSMP haree katak durante ne'e dala barak iha advogadu ou defensor barak maka hamutuk ho nia klientes sira simu deit desizaun ne'ebe Tribunal Distrital hatuun ba arguidu. Ho kazu ida ne'e, JSMP hein katak Advogadus ou defensores sira seluk bele fó atensaun maka'as liu tan ba nia kliente nia interese no hanoin nafatin katak arguidu ou kliente sempre iha direitu atu bele halo rekursu wainhira nia sente la satisfaz ho desizaun ne'ebe Tribunal desidi.

Entaun, maske JSMP kontente ho kastigu todan ne'ebe fo ba arguidu iha krimi todan hanesan iha kazu ne'e, JSMP mós kontente katak advogadu/a ou defensor/a sira hahu uza ho diak liu ona KPP no kompriende direitu arguidu nian. JSMP espera katak prosesu judisial hanesan ne'e labele aplika deit ba arguidu ne'e maibé tenke aplika mós ou trata hanesan mós ba ema hotu-hotu ne'ebe

provadu komete krime sira ne'ebe envolve arguidu sira no labele existe distinsaun..

ATU HETAN INFORMASAUN TAN KONTAKTU:

Maria Vasconcelo

Acting Director, JSMP

Telephone: 332 3883

Email: vasconcelosmerry@yahoo.com